

63
TVMVLTVARIA

DISQVISITIO

34-6-C-12-
FRANCISCI MARIE
FLORENTINII

NOBILIS LVCENSIS


De antiquo vsu fermentati Panis, & Azymi

PRO

SS.^{MO} EVCHARISTIE
SACRIFICIO:

A MARIO FLORENTINIO AVTHORIS FILIO

Vulgata.



L YCAN, Apud Hiacynthum Pacium. MDC.LXXX.
Superiorum Licentia.

ANNUAL

REPORT

OF THE

COMMISSIONERS

OF THE

LAND OFFICE

FOR THE YEAR

1880

1881

1882

1883

1884

1885

1886

1887

1888

1889



EM.^{MO} ET REV.^{MO} PRINCIPI

I V L I O

CARDINALI SPINVLÆ

EPISCOPO LVCENSI, ET COMITI.



Quisissimum erat, Princeps
Eminencissime, breuem
hanc dissertationem inclyo-
to nomini tuo inscribi, quæ
alterius olim doctissimi
Purpurati iussu adumbrata fuerat.
Eoque magis tibi deberi censui, quòd

sacram , tuoque excelso muneri , ac profundę eruditioni non incongruentem materiam complectitur . Quidquid autem illi ex Authoris ingenio obscuritatis accessit, splendidissimum tuarum virtutum lumen longę, latęque per exteras gentes diffusum , adeo illustraturum arbitror, ut in eandem Viros doctos benignę oculos conuersuros non diffidam . Tanta siquidem est nominis tui apud omnes existimatio, & authoritas, tanta SPINVLÆ Prosapia , fecundissimę matris heroum claritas , ut cunctos in admirationem traducant , & rapiant . Quis enim in CARDINALE IVLIO SPINVLA , atavis edito Principibus , morum suauitatem , & candorem , vitę integritatem, & innocentiam non veneretur ? Quis laborum tolerantiam, rerum gestarum magnitudinem non obstupescat ? Quis non admiretur eximiam doctrinam , insignem pietatem, incorruptam iustitiam ?

Quis ?

5
65

Quis? plura dicerem, nisi singularis modestia tua, CARDINALIS Eminentissime, laudēs ægrè ferens, silentium indiceret; easdem igitur dum prætermittere cogor, exiguum opusculum istud validissimo tuo patrocinio committere audeo. Patere clarissimis auspicijs tuis in lucem prodire, & veluti humillimiculus mei, & singularis observantiæ monumentum ne dedigneris excipere. Vale Urbis, & Orbis decus; Te Deus incolumem, & felicem ad summos honores diutissimè seruet. Lucæ 28. Februarij 1680.

EM.^{TIÆ} TVÆ REV.^{ME}

Humillimus, & Obstrictissimus Servus

Marius Florentinius.

LECTORI.



Pistolarem hanc disquisitionem, non ad publicam lucem raptim conscripserat Parens meus, sed ut humanissimis tantum CARDINALIS BONAE obtemperaret mandatis. Probauerat illam, dum viveret, Sapientissimus æquè, ac Eminentissimus Dominus, ut ex illius infra apposita Epistola patebit, & ad explananda quædam Veterum Pontificum, Melchiadis, Siricii, & Innocentij decreta summa eundem benignitate compulerat. Sed dum tanti Principis petitionibus iterum obsequi aggrediebatur dilectissimus genitor, ineluctabili morbo pressus, mortales deponens exuvias, placidissime ad æternam vitam migravit. Pridie tamen quam in lecto decumberet, prima difficillima responsionis lineamenta duxerat, quæ huic dissertationi addere non puduit, ut doctiorum saltem ad antiquos, sacrosque Ritus perscrutandos excitetur ingenium. In tenebris utique minima hæc omnia, & impolita reliquissim: at cum pluries ab aliquibus doctis, præclarisque viris expostulata fuerint, & nuper quoq. à celeberrimo, eruditissimoque Viro Abbate Stephano Gradio, qualiacumque typis vulgare decreui, ut amanuensis saltem in exscribendo laboribus parcerem. Si arridebunt, grauioribus alijs ultimam manum pro tenuitatis meæ viribus, porrigere non grauabor. Sin minus, brevis saltem tibi legendi molestia erit, & laboriosa mihi scribendi deerit occasio. Salue.



Pharisaorum fermento, hoc est hypocrisis, non à fermentati panis alimento cauendum, summa quidem veritas docuit; & per Apostolum mislicè nobis epulandum in azymis sinceritatis, & veritatis, non ita præcepit, ut cuiuscumque fermenti vsum damnauerit, sed veteris tantum; quasi per nouum, cui Regnum Cælorum assimilauit, noua euaderemus conspersio, & per Euangelicam legem, in nobis sincerioris azymi candidatis, recens candidioris doctrinæ fermentatio succederet. Azymum quidem, panem afflictionis vocatum, per septem dies Hebræi iuebantur comedere, ut prodigiosæ ab Aegypto libertatis memores, tumultuario, festinatoque alimento, tam panis, quàm Agni, Pascha suum, cum gratiarum actione recolerent. Hoc primo Azymorum die, obseruata lege plenè cibus in legalibus, CHRISTVM Dominum Augustissimum sui Corporis Sacramentum in-

stituisse, Euangelica narrat Historia, & latina docet Ecclesia, quæ, & si à septingentis saltem annis Diuinum Institutorem imitata, incruentum idem Sacrificium, in Azymis tantum obtulisse videatur, non tamen fermentatum panem iuxta Græcorum traditionem, & usum ita improbauit, ut ineptam tanti Sacramenti materiam esse, vnquam declarauerit, quinimò iisdem sine schismate Græcis, & permiserit olim, & permittat adhuc, id tantum iustissimis rationibus, siue antiquæ consuetudinis, siue Concilij Florentini præcipientis decreto, Latinis Sacerdotibus interdicens. An verò prisca, & inter Martyrum tormenta, vagientis Ecclesiæ sæculis, ad Eucharisticum panem, fidelibus ministrandum, Occidentalis Ecclesia, vel zymum tantum, vel Azymum consecrauerit, non admodum constare videbatur, donec Eminentissimus, ac æquè Sapientissimus Dominus meus Cardinalis Bona in doctissimo liturgicarum rerum opere, ita usum fermentati panis reuocauit ad lucem, ita neruosis rationibus, & antiquorum Patrum autoritatibus muniuit, ut assensum illi negare, refractarij potius animi peruiacia, quàm dubitandi licentia nuncupari mereatur. Quid verò mihi ineluctabili iussione ad scribendum provocato, in difficillima controuersia succurrere potest, quod supervacaneum omnino non sit, vel in meridiano Solè, veluti vliginosæ quædam telluris

telluris nebula, tenebras magis suffundere, quàm
valeat remouere? Parebo tamen vtcunq; sed, vt
arridere scio, in iisdem azymis sinceritatis, & veri-
tatis.

Præcipuus arcanæ, & eruditæ controuersiæ status
in eo versari videtur, an priscis latinæ Ecclesiæ sæ-
culis, Dominici Corporis Sacramentum in comuni
panc, siue fermentato, sine azymo indiscriminatim
confici consueuerit, & qualis præcipuè latinis esset
panis vulgaris, & vsitatus.

Utumq; fermentatum nimirum, & azymum
Romanis, ac reliquis latinis, vulgò in vsu fuisse, ex
Cornelio Celso, qui Claudio imperante scripsit, vi-
detur posse conuinci: libro enim 2. de re Medica
cap. 4., dum communium alimentorum qualitates
dijudicat, inter ea, quæ stomacho aptissima credidit,
panis sine fermento illi fuit: sequenti verò capite, in-
ter ea, quæ stomacho aliena putauit, *panis fermentatus*,
recensetur; & cap 28. ratio additur, quoniam scilicet
is faciliè putrescat. *Facile autem intus corrumpuntur pa-
nis fermentatus, & quisquis alius, quàm ex tritico.*
Cum autem Cellus hæc vniuersim, & cum reliquis
apud Romanos communioribus, siue alimentis, siue
obsonijs, ad examen reuocet, & inter ea, pàm panem
cum fermento, quàm infermentatum proponat, al-
terutrum in ratione victus, tanquam communem
cibum reposuisse apparet. Neque ab eiusdem sen-
tentia

tentia longè abijt Archigenes Hadriani Imperatoris
 archiatus, stomacho quippe malè affectis, vt ple-
 runq. sunt nobiliores, & qui delicatè, & lautè viuunt,
 panem, aut nihil, aut vix fermentatum ita laudauit
 apud Galenum, eiusq. interpretem lib. 8. de Comp.
 Med. sec. locos cap. 4. *Panis sit summè tantùm fer-*
mentatus; aut penitus absque fermento præparatus; è con-
 tra Galenus ipse lib. 1. de Antidotis. cap. 3. dum sele-
 ctum panem ad pastillos ex viperis conficiendos præ-
 cipit, ita benè fermentatum laudat. *Panis sit,* inquit,
ex purissima farina, quæ præcipuè, & benè fermentatus
sit, & in clibano, & non in furno coctus. Talem autem
 non fuisse vulgatiorem panem, faciliè concederem,
 sed potiùs nobiliorem, & in supremò genere ab co-
 dem Galeno enumeratum primo de alimentorum
 facultatibus. cap. 2., quo loco ex professo panis species,
 & qualitates exposuit; Has autem ibi pro re nostra,
 & latinorum more per interpretem ita recensuit.
Et apud Romanos, vt & apud alios propemodum omnes,
quibus ipsi imperant, panis quidem purissimus silignitis,
idest siliginis; qui autem huic est proximus, semidalitis,
idest simlilaceus nuncupatur. Verùm semidalis quidem
Græcum nomen est, & antiquum; siliginis verò; neque
Græcum est, neque ipsum aliter passum exprimere. Pergit
 deindè tertio loco medium panem enumerare, què
 etiam syncomistum vocat, & autopyrum, ex farina
 nimirum secretionis experte, & furfure à farina non
 separato.

ſeparato. Quartum genus illi eſt furfuraceum, cuius infima ſpecies, ignobile prorsus erat, & plebeium alimentum: ſed quia hæc panis genera à ſupremo deſcendentia uſque ad ſordidum Plauti, & aceroſum Nonij Marcelli, multas etiam minutiores differentias exhibebant, eaſdem Plinius eleganter indicatas, his verbis incluſit lib 19. cap. 4. *vinere nempe alios pane procerum, alios vulgi, tot generibus uſq. ad infimam plebem deſcendente annona.* Hic autem à numeroſo panum cenſu, penes varia nationum nomina, parandi, & coquendi modum ſuperſedeo, quod rem noſtram tranſcendat, & apud Athenarum inueniri facile poſſit. Vulgarem potius, & communio- rem panem inquiram. Primæ notæ, à Galeno, alijsque ſcriptoribus aſſertus, ſiue filigineus, nobilium, & lautiorum erat: vnde illud Satyrici Iuuenalis decantatur;

Sed tener, & nixus, molliq. filigine factus

Servatur Domino.

Hunc pro vulgari, communique pane habitum nemo affirmabit, neque admodum à primo diſceſſiſſe putarem, qui ſecundæ notæ, ſiue ſimilaceus dicebatur, quod gregalis non eſſet, ſed adhuc nobilium, & procerum. Dubitaui aliquandò, an quod ſcribit Suetonius in Auguſto tantum Principem pane ſecundario uſum, eſſet intelligendum de ſimilaceo, ſeu ſecundi ordinis apud Galenum. At dum Suetonius præmittit, Auguſtum fuiſſe *cibi vulgaris* ferè

ferè, ac secundarium panem, & pisciculos minutos maxime appetiuisse, facile in eam sententiam deueni, panem vulgarem esse, & ad tertiam saltem autopyri differetiam descendere. Lampridius in panem mundum, & sequentem omnem, Alexandri Seueri diurnum conuiuium diuisit, hoc est panis mundi pondo triginta, panis sequentis, ad donandum, pondo quinquaginta; panem verò lequentem, eundem cum secundario putarem, quem Horatius plebeium ita pingit, dum vatem, durè, & parcè viuentem iugillat Epist. 1. lib. 1.

Vitis filiquis, & pane secundo.

Et apertius Plinius lib. 18. cap. 9. *Præterea floris semodum, & cibarij, quod secundarium vocant, sextarios quatuor.* Nil autem latinis notius, quàm cibarium panem, esse vilem, ac plebeium. Alibi tamen secundarium à cibario Plinius distinxit, fortè quia secundarius nonnihil cibarium excelleret, *secundarij panis quinas selibras, totidem cibarij.* Vulgarè igitur, & communè populi panem, secundarium fuisse, vix dubitarem, eumque inter mundum, & sordidum, qualis facile erat, quem gradarium aliqui dicunt, & ad gradus templi Genij, siue gradus Tribunalis pro congiario populo distribuebatur, vt Turnebus olim, & nuper Spanhemius animaduertunt. Hunc, vt plurimū, fuisse fermentatum non negarem, quia Plinius, dum panis virtutes in medicina enumerat, secundarium fermentatum esse, omninò videtur asserere lib.

22. cap. postremo : *ad omnia autem hæc , fermentatus , qui vocatur autopyrus , utilior : & quia Galenus panum genera enumerans , omnia fermento parata , vel parari debere , ex eo præsertim supponit , quod azymum panem , rusticorum , ac robustorum præcipuum fuisse alimentum docuit , & fossoribus , & messoribus proprium , ab his namque facilius confici videas panes azymos ; quod à Virgilio confirmatur , seu quisquis alius author Moreti fuit ; rusticum enim suum inducit manifestè , azymum , & sine fermento panem parantem . Galenus idem proindè Athletis , & his , qui pleniori erant corporis habitu , panem laudavit , qui non multum haberet fermenti ; è contra verò docuit deberi priuato , & seni , qui bellissimè quidem in clibano sit assatus . fermenti autem habeat multum , vniuersim azymi vsum ita explodens . Porro qui fermento omninò caret , nemini prorsus est accommodus . Consimilem igitur benè fermentatum panem , nobilioribus , & illis , qui curam valetudinis amabant , vsitatum fuisse , vix dubitarem , non tamen indè inferrem , ità communem Ciuium , & populi in Urbibus fuisse , quin & azymis non vescerentur , cum pauci ferè sint , qui medicis præceptis alligari velint , præcipuè , si vetustioribus Christianismi sæculis opinio inualuisset , ut inesset suauitas aliqua plenior azymis panibus , quos pleriq. sibi salubriores , & sapidiores arbitrantur , ut de ætate sua testatur Humbertus Cardinalis con-*

trà Græcorum calumnias, qui initio vndecimi sæculi vixit. Azymi panis erat quidem etiam latinis vsus, ac præcipuè in placentis; nec panis subcinericius ita infrequens erat, vt aliquando plerisq. eo vesci non contingeret. Vndè Galenus subcinericios, omnium esse deterrimos pronunciauit ad calcem laudati capitis; non verò Hippocrates, qui lib. 2. de victus ratione, Foesio interprete, inquit; *Furnacei panes magis nutriunt, quam qui fœco, aut veru assati sunt, quòd minus ab igne exurantur: testuacei verò, & subcinericij, siccissimi*; Non protinus autem ac aliquid est siccissimum, euadit deterrimum; sed plura profectò à Medicis alimenta damnantur, quorum tamen erat, & remanet frequentissimus vsus. Subcinericias placentas ex tempore parabant antiqui, siue ad gulæ irritamenta de puriori, seu siliginea farina, & non rarò ad hospitii aduentum, vt sapidiorem, & elegantiorẽ panem concinnarent. Vix enim credibile est, Abrahamum diuitem Patriarcham Cœlestibus tribus aduenis subcinericiũ panem, siue extemporalem, & subitaneum parauisse, quasi communi pane careret, nisi ex selectiori farina, ad officiosius hospitalitatem exercendam, elegantiorẽ, ac recentiorẽ esse offerendum, existimauerit. Ita Loth, & Gedeon, azymos panes hospitibus Angelis obtulerunt, vel, vt alij ex Hebræo fonte legunt, infermentatas placentas. Iudæis quidem adco familiaris erat azymus, vt in-

fermen-

fermentatum panem, Iudaicum vocare Tacitus non dubitauerit; Talis quidem Hæbræis à lege præcipiebatur non ad delicias, sed ad Aegyptiacæ afflictionis memoriam, idq. per septem dies tanta legis seueritate, vt, si, vel in domibus fermentatum haberent, pœna mortis, tam aduenis, quàm indigenis committeretur. Ritus, quo reliquæ fermentatæ comburebantur, ita refert Suidas. Ab hora nempe sexta diei decimi quarti, mensis primi, ad clangorem tubarum panes zymitæ, qui Iudæis reliqui erant, concremabantur: quod adnotauit etiam damnatus Stukius antiquit. Conuiuii. lib. 1. cap. 27. Sed hæc extra vsum Latinorum, non magni facimus; erant etiam apud Latinos summæ dignitatis viri, qui, vel ad frugalitatem, vel militarem disciplinam, azymis, & subcinericijs panibus vterentur. Locuples exemplum Herodianus suppeditat, qui latinam sui temporis historiam græcè contexit in Antonino Caracalla, de quo, Politiano interprete, lib. 4. scribit: *panem etiam temerè factum comesse: quippe tritico, quantum satis vni foret, sua manu molito, massaq. inde facta, atq. in carbonibus decocta, vesci solitus*

Neque dubiū est, quin panis temerè factus, & ita ab interprete vocatus in Græca ditione, *αὐτοσχέδιον* extemporalem, & tumultuarium, hoc est azymum, non significet, quòd Græcis ita vocari consueuerit; id etiam docente Theodoro, qui azymum panem vocauit

cauit extemporalem quæst. 23. in Exodum. *Cum enim panis aZymus, idest minimè fermentatus, sit extemporalis, fermentatus autem habeat aliquid fermenti veteris, prohibet lex, ne quid Aegyptiaca doctrinæ rebus Diuinis admisceatur.* Et vbi Ioannes Picus in operibus Theodoretæ, vertit panem extemporalem, Lippomanus in Catena Exodi legit; *Quia aZymus panis rudis, ac simplex est, utpotè qui facillè parabilis, & minus operosè, ex quacunque farina compingatur.* Hinc Diui Gregorij sæculo, Monachi subcinericio pane (nescio an quotidiano vlu) vescerantur, ut constat ex Martyrij Monachi prodigio lib. 1. Dialogor. cap. 2. Cum enim fratres illius panes subcinericios fecissent, obliti in eis Crucis signum imprimere, *Sicuti in hac Prouincia (ad- dit D. Gregorius) crudi panes signo signari solent, ut per quadras quatuor partiti videantur;* doluit Martyrius, & digito contrà prunas, Crucem signans, panem etiam sine contactu, & insigni fragore signauit. Hac eadem forma panes quadrifariam notare, gentilibus etiam antiquis mos fuit, & antè quam Christicolæ salutare signum venerarentur. Nec difficile est credere in Crucis formam obsignatas, vel placentas, vel panes, maiori deuotione à priscis fidelibus oblationes suas in altaribus poni, quemadmodum in sacrarum epularum antiquissimis imaginibus, adhuc cruces panibus impressas videre licet apud Aringhium in Roma subterranea. Quinimò facillè est conijcere panes

obla-